

六一山房詩集

六一山房詩集卷五

庚申辛酉

鄭 董 沛 瓊軒

庚申

哀杭州

東南形勝古餘杭
絕代西湖錦繡場
不信一番戎馬警
萬花零落牘枯楊

二

驚烽傳自北門來
分堞無兵急羽催
九日憑城三日戰
亂中風雨角聲哀

三

問道斜通石竇山驚聞部曲獻南關濫收潰卒充行列
一死重泉尙報顏

四

衮衮羣公死殉名

九天恩重一身輕可憐望斷司農笏頗道先期早出城

五

鼎沸危城劫火紅田廬灰燼萬家空尙留溝壑餘生在
齊挂錢江一席風

六

茅經空存古井眢四郊新鬼哭煩冤獨憐止水孤臣骨

湘月茫茫弔屈原

戴醇士侍郎
熙投水死

七

譚子

廷獻
蔣侯坦

吾舊友慘逢兵火竟安歸江流不斷

音書斷長此飄零感式微

八

聞道旗軍半壁支塹分南里待

王師岐陽龍種非凡品日望恢城奏凱期

得孫寄亭

嘉年

書卻寄

知汝官丞尉涼州更肅州十年清宦況萬里起邊愁貧
不辭關柝寒猶典篋裘長途多盜賊且自緩歸休

湖上

湖光盡處亂峯巒
鎮日閒遊興不凡
花底霧濃沾短袷
樹邊風緊數歸帆
水村有客朝尋渡
山寺無僧暮倚巖
猶待波心貯明月
清虛一例鏡開函

范烈婦歌

烈婦姓張氏名藐姑餘姚人歸鄞縣范孝廉多
銑爲妾大婦悍甚恆不得當夕孝廉亦無如何
也咸豐十年十月孝廉卒烈婦殉焉年二十二
徐柳泉舍人爲作傳余更以長歌記之

江水清且渝嗟嗟烈婦生不辰
江水清且綠嗟嗟烈婦

死不辱烈婦少鬻豪家門三歲爲婢承主恩

婦爲慈範葉氏婢葉

范則僚
范也

主人愛妾如所生蘭心蕙抱嬌含春主人有娣

歸范氏郎已中年尙無子以妾贈郎主命之僥倖纖桃

僥禮李洞房二月春風天小星喜照華燈筵紅絲一繫

當百年妾與郎心誓及泉郎心宛曲郎情薄妬婦津頭

風色惡拜得司徒九錫文短轍長柄猶如昨堂堂郡主

號宜城郎見低頭妾見驚一曲迴波唱栲栳裴談李老

難爲情巫陽要地置都檢枕席行師萬山險

一月一侍寢以小婢

監之不得私相語也奇妒如此他可知已焦桐枯竹發幽感瘦骨支牀淚凝

簾桃花顏色楊花命冷月黃昏照孤鏡惱鴉打鳳獅虎

驕苦厄成讐郎已病郎病經年漸不支郎死無兒誰絕
之郎生有妾不相愛郎死妾生更何賴主人鄭重來唁
妾勸作韓憑枝上蝶用義山詩非韓憑本事也既不願河東籠下度

殘劫如何換尾修眉重注鴛鴦牒銀瓶一勺阿芙蓉調
以苦酒光溶溶下達乎關九竅黃庭宮妾也薄命行相
從城南枯楊吹慘風斑斑血淚霜林紅精光百煉吐金
液是孽子孝孤臣忠知我衆人報國士豫讓先爲范家
死尋常恩怨東流水旦旦孤心誓終始烈婦之烈乃如
此吁嗟乎秦羅敷梁綠珠美人全節無代無烈婦之死
皎然完其軀彼不死者當何如

詠史

南北迢迢兩主居漢廷無計款單于驚烽漸逼甘泉火割地新收督亢圖豈以婚姻歸衛寶竟將銀絹抵燕租暴秦無策周中策尚有王師記敗逋

二

咸陽自古帝王州百二河山據上流不信代宗猶避陝豈無周勃可安劉冰寒早決防秋策風競難消猾夏憂雨後戰場聞鬼哭斷槍折戟少人收

三

玉津舊在汴梁中絕代名園製造工陸地樓臺移艮嶽

九天闔闔對離宮試將成敗從頭溯悟到繁華過眼空
一自楚人三月火阿房遺址草叢叢

四

澧淵城下議和歸白馬刑牲著誓辭北使誰堪蘇武節
中原猶望岳侯旗効盟清水胡氛惡爭長黃池晉霸衰
事隔千秋畱史在不妨懷古寫新詩

送人之山海關

天塹界營平雄關險莫爭直趨三面海橫隔兩都城舊
部分夷落長途送客行登高試東望王氣擁

與京

錢忠介公畫像歌

晉陽飛戈日爲東餘光返照扶桑紅櫬槍忽掃一輪去
黯然無色崑崙峯在昔有明遺末造封狐十丈踞御宮
江南半壁續遺統孤臣淚灑梅花叢

天兵飲馬大江水南朝天子塵又蒙狐降鼠竄改頭面
留都綸閣眞昏庸天畱錢公作男子手執孤管唱黃鐘
殘山賾水奉魯藩憑江十戰成大功六家義兵資聯絡
左掣朱張右孫熊鋒唐咫尺可飛渡直下杭秀開蘇松
荆甯兩帥阻天聽忠良痛哭猶耳充逋臣大去采薇蕨
行朝潰敗何匆匆閩南殘局亦無補可憐叔姪皆瞽聾

丹忱化作一斗血嘔咯在地心爲空觸牀祈死保膚髮
願追六馭游清穹公魂諒在列星次公像今畱家廟中
古稱留侯貌如女報韓志節相符同吁嗟小子得瞻拜
鬚眉俯仰精靈通錢家兩次遭劫火子孫猶贊公真容
生孔明死信公英姿颯爽生悲風鄉崎孤冢已荒土誰
爲馬鬣加崇封

瘞

料峭西風至常添宋玉愁臨凶占八月余三次瘞潮信皆以八月

感三秋光祿身溫被平章汗透裘爭霜勤搗藥何處問

仙舟

二

臥想荒園裏秋來事事非桂香黃脫粟荷敗綠分衣殘葉堆空砌微波冷釣磯何當重對酒扶醉咏斜暉

病起

寒漏沈沈夢未賒一彎殘月映窗紗病來祇恐吟懷減沽酒三更祭浣花

辛酉

同徐柳泉舍人飲酒即贈一律

忘分投膠漆原無世味參每經連日別常作徹宵談豪氣風生座孤心月印潭縱饒潘岳恨對酒飲猶酣悼七柳泉

尚未
匝月

擬古絲辭

我生之後逢此百憂二十年來鄉國聞見可怪
可愕之事難以殫述長夏遺悶雜擬卦辭以當
瑣記憫時憂世情見乎詞知我罪我聽之而已
杲耀在東陰奪之魄明星煌煌晝隕爲石道光壬寅六
刻日食既昏黑如夜逾時始復有
星隕於鄉民陳氏庭中大如臼

二

橫流決隄龍戰於野東山告崩石血流赭癸卯八月乙
申尤甚東錢湖隄決平地水高五六尺二龍鬪
空中日光閃閃太白山裂水流石罅有血色

三

罡風蔽雲慘擊鷹鵠張弧落之刻楮形肖

丙午六月初旬喧傳妖青

自西門入二鼓後聞空中有羣鳥聲肅肅振羽鳴鑼鑼鼓徹夜不絕或射而墮之則紙人耳長八九寸繪月日口鼻惟肖城鄉各家朱書八卦及繩籤籤四字貼於門往往有截髮剜面者丙寅寅刻地震有聲

四

南面堂堂攫金盈囊厲鬼瞰旁終夕遂亡

某縣令以暮夜金置私室

案上諦視而撫摩之哭有鬼裝自其門入令駭而仆比起視金已亡矣

五

東家殺牛腹有三豚割肉飼犬狺狺狂奔

村民張姓距余家十里私宰一牛腹有三豕煮以飼犬狂吠而斃時丁未十月也

六

呼嘯入郡爇火祠宇墨墨中丞哆口噤語

咸豐辛亥十一月王子朔

東鄉民數萬人揭竿入郡焚驥賈江氏祠及淇居宅巡撫常大醇適蒞甯波聽之而已

七

老婦告終死日知生走訪其家墮地兒鳴

江東有老嫗臨死告其子

婦已往邛隘某家託生矣訪之兒見其婦諦視若有知者彌月兒死

八

巨鼈戴坤陰虧則傾十日五震厥聲鈴鈴

癸丑三月七日辛亥地震

八日九日十日連震十五日又震

九

譙樓鼓鳴嘻出孔哀鳥焚其巢十旬火災庚子六月鼓樓鳴厥有英吉利之亂咸豐甲寅五月復鳴九月辛卯燬百日之中城廂內外遠暨四鄉火災疊告禳之乃止

十一

兩寇鬪門礮聲轟轟殃及池魚死者三人甲寅六月癸未廣艇與西

洋艇閩礮轟城郭斃縣民三人

十二

西湖鏡清風定忽濤蕩爲濁流三尺瞬高

甲寅十一月庚午未刻河

水驟漲三四尺城中月湖無風起巨浪黑如靛

肥豚產兒一怪一象餓斃於闌石裂膚刺

丙辰六月南鄉民家壯豕

產三物一象一豕一
豕首人身隔宿皆死

十三

羣蝗蔽天痒我稼穡靡神弗舉民乃愁糴丙辰夏秋間
蔽野村民捕煮之日可數十石禳禱福祠廟敝
居五里內祀宋夏公太素有靈蹟蝗不爲害

十四

宋姬鬼靈談笑飲食鑿壁瞰形瑣瑣一尺東鄉應姓自
之空舍有聲自篋中出駭而啟之聲在屋隅問之則曰
吾宋時某縣令女葬於東吳山今日偶遊郡城遇雨無
所避入汝篋至汝家暫留旬月不爲汝害也顧我飢
食我其家以角黍供之亦聞哺啜聲角黍漸盡俄傾
在盆中於是潔一室居之有問輒對而未嘗現形或
其室長尺餘據案而坐有時如成人乃十七八好女
衣妝華炫女旋覺形遂滅鄰有被偷者以告女女奪其
衣包自室而墮余異焉命櫂往詢欲叩其父姓名終日

無一語余返女乃言曰此君多口吾不欲見之也噫喋喋如余宜其爲鬼神之所忌已

十五

封奏上帝批答來章神降於莘占爲號亡

有邵姓者死後忽傳爲神信之者

降乩言郡縣有大劫屢疏天帝未奉赦詔

刻其文亦稱某官臣某謹奏云云奉硃批云云

十六

擄人於道要以金資賣雌贖雄巢覆卵危

粵盜以招降置郡城來者

益夥庚申夏白晝劫人私刑勒贖自數十金至數千金不等城廂內外衣冠絕迹則雖行傭負販亦劫之有賣婦而贖夫者夫脫歸憤而投水不劫於島而劫於城亦異聞也

十七

鳴金伐鼓出知昌國西人嘻嘻驅彼蠭賊

廣東人賈於甬上入貲爲

定海同知定海士民以郡城有粵盜之變懼其引同鄉入縣言於郡不聽乃屬西人逐之

十八

掘山得魚網水得鹿一月九喪亭午鬼哭

鄉民掘地得
鯉長尺餘不敢食棄之其家以出洋捕魚爲業網一死鹿亦棄之乖氣致戾宜其及也

哭張氏妹

別來纔十日驚拆訃音看臨幕身猶健生兒血未乾無端聞喘息有話轉悲酸驟覺形神脫何由進藥丸

二

生少已無父劬勞阿母慈如今俱長大何忍作分離兩眼聞猶視孤魂渺不知可憐兒墮地乳哺郤依誰

三

同懷惟汝少纔可廿年餘邇歲畢婚嫁衰親頗拮据轉
因兒債了稍使母心舒豈謂茫茫恨今番接此書

四

阿兄方臥病汝殮不憑棺疇昔家庭樂優遊弟妹歡傷
心今日事見面此生難郤爲吾親痛銜哀勸少寬

流寇信亟郡中傾城避難述所見聞紀之以詩

鈴騎西北來稽陰二字見南史已不守警息到四明脣亡齒

難久羣官無一謀但日有奔走顧此民力孱安能脫虎
口檢拾空篋箱倉皇具糧糗謂當盡室遷辭家託賓友

老翁扶杖行遑敢惜衰朽兒女各少年蚤起尙蓬首裙
袴沾爛泥露面不辭垢摩擊當衝衢疲足苦成狃暫假
一晌停如釋百鈞負皇天何不仁厄運際陽九忍使流
亡多民命賤芻狗

二

萬人趨一門門隘不得馳雜沓浮橋中勢壓江船低村
舟密鱗次斜艤官河隄百里索萬錢解付囊中資行裝
壓頭尾反使船行遲港狹橋更多篙楫安所施聞有黃
頭軍邪許推挽之舟師各努力織縉如棼絲帆短無微
風健挾雙櫓追河長苦不短白日已在西中道望村落

煙起當夕炊顧我行旅單免親擎飫無食尙可忍無
家長別離

三

西南接官衢東北枕海島擇地謀所安惡從辨醜好渡
日齊泊舟彷徨佇天曉仰視嵐氣清初日出杲杲擔夫
爭負囊猶苦笱興少勁木橫兩肩懸卓當山輶叶入山
恐不深深處見林篠茅屋三兩間弓路漸荒晉大樹欺
朔風低雲挾歸鳥城邑旣苦兵鄉里亦愁盜逃亡日漸
多天地正枯槁束手衣食謀何處得安飽我亦明朝行
行行訪東道

命椿兒侍家慈暫避五鄉碶

寥落鄉關夢飄零骨肉悲尙思回故里未敢哭臨歧急雨催蘋散驚風怨樹衰稻梁謀更急莫怪雁來遲

寓瓶窑屠氏莊

湖東迂曲路容我此停車擬托巢林燕纔甦涸轍魚冥情畱隱跡遠夢當家書猶慮吾親老山村不憊居

卽事

日落荒江戰壘橫稽山烽火到連城天罡已點東林將地著難資北府兵劫後殘碁無勝算亂中羌笛有哀聲新婚垂老都成別夢爲思鄉總不清

二

莽莽村墟噪暮鴉
親朋消息半無家
危林夜度羅平鳥
寒荻風生大澤蛇
臘有摩雲當李罕
幾聞函谷虎詹嘉
娥江帶水堪飛渡
長日驚心聽鼓笳

三

矛戟銷沈杼軸空
漸河盡處更無東
竟成誕葛憂中露
尙有平林拜下風
亂世民畱殘喘幸
孤城官與贊疣同
燒倉洛口成何事
頗道西番閒諜通

四

開門揖盜此何時
孤注難扶壓卵危
動地流民寒到骨

彌天燎火急當肩秦裴早具千人食王式何來兩路師
聞說元戎稱敢戰可憐一木竟難支

五

誰使魚羊竟食人悲哉厄運酉兼申搜牢漸漸窮山海
肥瘠班班較越秦萬死可能遺噍類一生猶幸作閭民
明山近接天台路何處桃源許問津

冬日獨坐得四言十首

自我之來朔風正哀冬嶺微雪鄰園已梅折梅一枝寒
香襲衣如有笑容對我涕洟

二

我涕何憂我親白頭荒荒天地中如寄鷗罹此兵災同
命一舟來日大難妻孥對愁

三

我衣旣單我衾載寒兀兀斗室孤燈夜闌夕不得寐朝
不得餐何以解憂披書坐觀

四

我釣惟溪溪水苦曲我汲惟井井水苦濁我亦善醫不
能醫俗登我寓樓面面皆竹

五

寒鴉亂飛薄日無色似投故林戢戢其翼棲也無枝啄

也無粒聆彼哀鳴我亦愁食

六

我愁食無我尙有廬哀我親朋蕩無室居藏柙維虎殃
火維魚對我涕洟我心曷愉

七

念我諸弟愁焉在家落葉瑟瑟寒林不花厄我之運匪
龍亦蛇吹篪無聲聲在成笳

八

積粟一倉鼠攫其穴積金一囊鬼瞰其室幸我食貧寥
矣無物開門多風閉門多月

九

我時出門亦復何樂仰窺雁飛俯視魚躍雁不在天魚
不在壑胡我無歸東我以閣

十

高閣見山林有斜照若與戰燐爭彼鮮耀亂日苦多治
日苦少叶去安得我歸舒我顏笑

題寓齋壁

枯樹當檐敗葉飄一燈如豆夜蕭蕭關河落寞孤心在
兵火流離短髮凋猶冀杜陵畱破屋幾從吳市斂吹簫
愁腸無緒頻欹枕夢逐西風隻雁遙

山行

一雨初收霽山行路不迷水爭千罅急雲壓萬峯低狎
鳥頻呼酒扶僮當倚藜避秦聊免俗深處有桃蹊

王意山孝廉見訪畱飲作歌

王郎磊落眞健者半生相識滿天下胡爲獨處空山中
側身天地悲奇窮村墟莽莽故人少百憂沈沈耐昏曉
題詩掃石呼病猿邀月登樓伴歸鳥明州一昨烽火驚
羽書絡繹催援兵倉皇避寇罄城市我亦去作東山征
東山一月寄行旅昨日歸來今遇汝辛藜面目三斗塵
顧我寒暄更無語愁雲壓日天昏黃中遶萬羽哀鴻翔

妻孥同命三十日誅茅結屋南山陽南山之芝不可食
暮汲寒泉朝煮石敝裘典盡囊篋空酒價尋常沾不得
王郎王郎日弗悲我尙有酒斟酌之乾坤剝復無定期
蓬飄梗斷良會稀爾不作杜陵餓柴桑飢澆愁萬古同
一厄嗟爾戚戚將奚爲

懷沈觀察

元泰

江右

故鄉睽隔亂雲中羨爾鄱陽挂席風南鎮舊山車馬路
西江分野斗牛宮孤心寄遠隨流水微命當危托轉蓬
聞道甯南稱善將幾時移節到江東聞左節帥宗棠
將自江右移浙

自題釣雪圖

寒江蓑笠寄浮家蘆荻聲中一繫槎二十年來風浪惡
更無清夢到梅花

六一山房詩集卷五

六一山房詩集卷六

壬戌癸亥

鄧 董 沛 覺軒

壬戌

春感

江湖日接海潮寒，斗大州城萬虎蟠。
暫假頭顱依漢制，強分牙爪署周官。
設鄉民自軍
帥至伍長地因無佛稱尊，易天爲斯民。
造福難富貴，故鄉誇畫繡。韓生猶笑沐猴冠。

二

積雪陰中度歲華，何來僞歷浹旬差。
正月十日僞歷元
旦從賊者用之祠官新例遵王臘，降表重修署李家。
一輩犬羊蠻語慣，

百年豺獺鬼魂嗟

龍飛自有中興紀萬里長安望眼賒

三

舊臘杭州已不支
茫茫消息到春知
趙岐復壁藏身日
許遠孤城抗節時
應恨援兵無蟻子
空聞夾寨有鴉兒
諸公死作河山氣
骸骨飄零莫漫悲

四

暨陽西望近如何
聞道村民殺賊多
鑿穴能迷投阱虎
渡江惟遣駕梁鼈
義軍舊錫葫蘆號壯士
新編敕勒歌
黃石有書非鬼怪
古來風鶴本傳訛

五

鄉郡今年更可哀驅民南下守溫台分行左右長繩貫掠

民爲兵什伍

編戶

東西急檄

催妻爲望夫

爭化石父

因思子共登臺傷心間左鯨徒戍

新兵刺面爲

平天國四字

太饑凍

長征面已灰

六

陸算田廬水算舟紛紛關市倍徵收原知都尉能搜粟
不信中郎號發邛逢慶潛蹤惟瓦首盧全寡髮每釘頭

見雜髮者釘頭以術

荆榛道路無行跡滿目春光總是秋

哭鄭弼菴舍人

聖颺

海國煙塵滿君乎死後歸殘編心史橐孤節首陽薇風
雨驛魂在衣冠舊俗非連城猶帶甲決去亦知幾

二

宿昔談時事驚筵語憤狂斯民三代直吾黨百夫防骨
與詩魂瘦愁添劍氣涼忍教眠食廢沈鬱入膏肓

三

抱病棲窮島猶傳僞命來死原因宿疾生亦累多財難
慰陶潛隱彌增庾信哀茫茫家國恨何處哭西臺

四

別我經三載淒涼接訃音況逢多難日忍聽續騷吟舊

雨千行淚沈淵九死心空山埋骨處古木尙陰森

閉門

時難年荒且守株閉門相對泣妻擎烽煙長日催亭堠
藜藿殘生滿路衢藏粟已封司戶帖流民欲繪監門圖
蘭成賦就天何醉翹首書空自感吁

二

飄飄何似一沙鷗戈甲叢中百慮愁風雨柰何都擾夢
江山如此獨登樓寒檠短榻畱孤影畫舫晴湖憶舊遊
幾輩纖兒馳馬過相逢狹路但低頭

雜擬漢人詩

帶甲滿地蹙蹙靡之抒憤成歌以代慟哭篇首
皆漢人句也

城上烏尾畢逋城下官化爲胡氈冠革履從番奴出自
北門行且趨北門之北長江流千年不洗逃官羞

二

是耶非耶睨而視之昔爲使君今爲養馬兒老婦嘻嘻
兒弗悲寢我牀衣我衣寇入我室爲言兒病危使君無
恙他日當相依

三

戰城南隨城西城頭百尺高下有積尸恨不作灰與土

縣官墮城折右股求死不死淚如雨

四

侯非侯王非王鼓淵淵旂央央小民羅拜獻酒漿舒鷺
舒雁雞豚羊號曰進貢齎盜糧謹誠舉國紛如狂

五

紅塵蔽天地大寇踞州衙紛紛下符印區畫鄉民家萬
家置一軍百家置一卒假彼周官名太平豈無術開局
東南西大小相繫維大局鄉官尊小局鄉官卑鄉官媚
千歲搜括無餘資再拜陳州衙勿顧鄉里私

六

高田種小麥低田種水稻粒粒盤中餐農夫自求飽一
畝索千錢徵糧太苛擾鄉民鬻妻兒鄉官書上考

七

一尺布一縷絲摺疊黃竹箱辛苦紅女機寇入我門無
子遺無子遺且弗悲鄰家有女作賊妻朝朝爲賊縫戰
衣

八

舉秀才舉孝廉昂首日月中爾顏胡不慚紛紛求賊官
揚揚趨州城求之既得鄉里榮奴視戚鄰民父兄求之
不得受賊刑匍匐杖下逃殘生泥首猶作哀猿鳴

九

涼風起兮天隕霜悲莫悲兮母終堂朝夕奠兮丹巾而
紅裳鄉官之制兮無私喪

十

練時日謝南闕維家王之恩爾俸爾秩賦稱僞主曰家
王以兄弟序也二月初吉日惟上丁釋奠先師蹻蹻孔廷言受厥胙言
飲厥福謂溪水之清兮而河水之濁

十一

煢煢白兔韓盧逐之青青子衿萑苻辱之拜手稽首蟻
蝱小臣頌明大王乃武乃文巍巍高門有車有馬宴樂

嘉賓酌以大斧維鷹斯爪維虎斯牙謂爾無名爾名孔
嘉

十二

山樹高斲爲梁瓦崇祠儻明堂袞冕衣金玉裝炳燎燭
薦膏薌禱福祉宜吉祥神哉沛靈之長兮黃戰土木殃
烏啄屋鼠穴牆裂帷幔災桷矣攫首臂搜肝腸佛清淨
鬼跳踉陰冥冥天茫茫

十三

薤上露何易晞原上骨何纍纍故鬼哭新鬼啼擄人以
爲兵兵出不得歸今日調諸醫明日調天台時二縣俱
起義兵

十四

相逢狹路間黃巾聯袂行謂妾好顏色取酒還共傾火伴六七輩牽妾登高樓妾年十二三回顧顏面羞前者既相干後者迭相和怯怯含苞花經風自摧挫黃巾樂復樂賤妾死溝壑棄戶狹路間日暮啄烏雀

十五

悲歌可以當泣冥想可以當書寥哉天地鬱乎獨居飢無粟寒無襦嘻吁噭臣朔讀萬卷不如侏儒

詠史

河西兵火隴西塵胡馬驕嘶渭水春誰使外蕃屯輔郡

頗聞內間出親臣曩霄兀卒繙吾祖回紇師巫卜大人
一自劫盟梨樹後紛紛婁敬議和親

二

劍門荒草羣寒烟西狩鑾輿不復旋感泣興元哀痛詔
傷心天寶亂離年儘堪蜀火窺炎井敢謂曹風殿下泉
安否上皇鸚鵡信侍臣有淚灑啼鵠

三

秣陵王氣已銷亡江鄂全師扼大航諸將半由三戶楚
僞廷一霎六朝唐石頭城逼軍屯險京口潮平水驛長
聞道益州消息好樓船何日下龍驤

四

宮闈古有出羣才明德宣仁治象開自是周家頌文母
早知宋祖號香孩徽垣景運參星極黍谷新陽轉律灰
費得乾坤旋斡手八方熙皞舞春臺

贈朱蓮叔觀察

時同寓江
北岸李氏

自托忘年契高軒慰索寥浮生仍避世大隱早登朝宦
況資談柄觸愁訴酒瓢故園江水隔咫尺尙嫌遙

二

旅舍催更柝春明夢已寒邇來安處困所幸久辭官霜
壓頤毛重風欺病羸單艱難身世策一例起長歎

奉贈姚復莊孝廉師

燮

相見各無悲喜從悲定來鬚眉還故我天地尙枯灰破
帽遼東隱長鏡臘上哀舊時遷客地回首半蒿萊

二

亂後餘生在名山著述多古人相爾汝羣盜敢誰何才
大名難晦愁深病易魔北邙風雨夜好續五噫歌

出出辭

有美人兮妖冶妝問茗年兮十五強姓誰何兮湮漏依
嫁母兮城西廂城西袁兮望族高綽楔兮柳莊厥祖天
水之進士兮死殉國而爲殤炳千秋兮大節勒圖經兮

喬皇一解

妖星動兮櫬槍射紫燄兮東方掣罡風兮旗

腳閃寒月兮刀鎚礮轟轟兮火烈石磕磕兮雷硠官縮

繩兮逃遁民謗謗兮流亡而墨墨兮灰敗睛睽睽兮炬

張南門開兮賊軍吼迎主將兮江夏黃

二解
賊渠黃呈忠僞稱戴王

樹軍師兮旅帥筦東南兮西鄉裹紅巾兮囚首羅赤仄

兮充腸爪騰踔兮狐假齒尊卑兮雁行

賊屬相呼皆稱兄弟壽吾

王兮千歲僞戴王稱純千歲咸再拜兮稱觴兄詔弟兮敬聽孤

在軍兮妹亾

賊呼其妻曰妹開雄藩兮觀察衙

僞府在疇內助

兮齊之美願選名門之淑姬兮聯嘉耦乎鶯鶯軍帥稽

首兮前致辭遲卑職兮選將

三解
鄉官稱於號渠曰小卑職

紅鸞兮

燦燦丹鳳兮鏘鏘鄰家兮有女獨處兮無郎步凌波兮
綽約眉仿月兮纖長雲韓鬢兮眇忽花磧靨兮穠芳軍
帥稽首兮前致辭請玉女兮嬪嬪爺九頓兮旭旭母六
肅兮翔翔如天之福兮備箕帚願千歲兮吾王四解日
吉兮辰良納采兮輝煌黃金兮大貝翠羽兮明璫曳輕
羅兮三疊織官錦兮七襄登仙盤兮珍果暖春甕兮瓊
漿雲爛爛兮文馬雪體體兮肥羊迎大門兮祇受慶嘉
禮兮儲祥如天之福兮備箕帚願千歲兮吾王五解女
適人兮告廟祖如在兮洋洋偉乎靈兮赫濯浩丹氣兮
沉茫稽孫枝兮南北籍命鬼卒兮東西廊左趨承兮尚

寶右疏附兮太常孫敗類兮非種神弗福兮宜殃歎高
門之淨土兮汚逆跡於豺狼召離宮之熱屬兮庶一滌
其穢場六解卜親迎兮龜協告渠帥兮鴻慶飾珠簾兮

畫棟粲角枕兮牙牀迎彩輿兮鳳翽導先馬兮龍驤排
監軍兮秩秩掖參將兮僂僂簇銀燈兮蓮炬焚寶鼎兮
椒薌奏笙簧兮靡靡建旗旒兮央央輿到門兮忽阻若
有物兮前當齊協力兮推挽呼眾口兮引喤遂沈沈兮
踰闕將緩緩兮升堂首岑岑兮石戴身戰戰兮木僵壓
千軍兮靡徒勢一蹶兮頽唐軍司張目兮駭愕丞相流
汗兮悚惶監軍參將軍司丞相皆僞官乃成禮於堂下兮趣回車而

二十一
弗遑

七解

神呼兮出出鬼趨兮蹌蹌融風兮閃閃大火

兮荒荒掀霞車兮鬪彩耀電鏡兮流芒炎官隸股兮持
節中女緹顏兮挽纏捲珊瑚環兮帷帳炳燎燭兮棟梁搜
隱鱗兮堆壘崩掘壘兮垣牆烈燔炮兮鷙鵠紛燔炙兮

齧齧兮啼號兮耳慘競援救兮臂攘凜項冥兮退卻窮
巫祝兮禱禳勢焱焱兮風雨驟精耿耿兮金鐵煩赫神
威之殃扎兮通吸嘯於靈蒼咄城狐之燭焰兮昧日月
其何傷

八解

王師兮奮起屬國兮劫勦霜皎皎兮不戩風縱縱兮颶
檣鑿凶門兮石陣驚殘曲兮霓裳主將揮鞭兮抖毛而

竄逸王嬢攬轡兮掩淚而章皇僞王之妻曰王嬢城破之日女馳馬西去寇

西歸兮假息官南面兮當陽捕軍帥兮籤牒嚴賊屬兮
銀鎗玷家聲兮祖德罹法網兮刑章紀長歌兮本末勒
穢史兮周詳聊以表鄉賢之忠憤兮敬恭桑梓而不忘
九解

秋感

屢唱無家別悠悠感歲時乾坤雙涕淚道路半瘡痍妖
彗騎天狗長江飲佛狸吾儕毛羽鑽何處寄高枝

二

一熄崑岡烟誅求玉石殫吏矜毛舉察

詔赦苟從寬時會需財亟權宜救病難斯民仍播蕩何
術砥狂瀾

三

淮泗中原地頻年已苦兵外援宣武鎮上策受降城焰
熄龍蛇警功收鵠蚌爭樞臣終廟算捷可到

神京

四

西望秦關火高秋逼塞笳小兒誰白起大俠竟朱家已
報連城失難爲間道遮五陵佳氣盡漸漸入寥斜

五

聞道平南將全軍扼建康艱難持大局縱軼怨疏防落日懸烏幕橫波阻雀航近傳摷伐績消息總茫茫

六

完土依然在三衢控上流救鄰思被髮扼險到襟喉慷慨安邊策深沈搗穴謀崑山原將略鄭重待封侯

七

屏海通胡舶南藩此上腴華戎分兩界民物冠三吳篝火狐鳴急秋風鶴唳孤西平今坐鎮將伯尙堪呼

八

此地鈴東浙吾嗟守備單輿封歸節相緩急倚番官大

野狂燐閃荒江暮雨寒流民餘一息有夢想平安

九

新使頒條格蒼生盼下車空名矜綜覈高論誤詩書未
泯流亾慘頗憂閒餌疏天驕仍足恃尊攘策何如

十

我亦籌全局元戎控制遙儘煩回紇騎難挽浙江潮驛
馬鈴聲急潭龍劍氣銷廓清應有日終戴

聖明朝

聞官軍平定齊豫喜成此詩次少陵洗兵馬韻

重輪日出扶桑東

中興景運開創同諸將勤王定齊豫遊魂惕息魚釜中
一昨長星貫薇座敵寇交証無戰功

先帝北巡次瀚海崩年卽在灤河宮吾

皇沖齡御大寶鑾輿返旆經崆峒三邊指日清妖霧萬
馬嘶天厲朔風憑高南望中原小什則圍之衆非少黃
流夜凍河冰堅紫氣朝含陣雲杳廟堂制勝籌策良此
虜目中吾了了已聞精甲出幽燕欲待良弓盡高鳥天
門蕩蕩千官朝宮苑沈沈萬花繞拜神

堂子瓊筵開上壽

慈甯玉樓曉南來將士不可當威藩位冠諸侯王八旗

世胄世忠蓋二十四部元裔強中丞望著北平李司馬
才壓陳陶房茶火三軍耀白赤雲霓萬里蘇黔蒼宣仁
垂簾

母后聖周旦負扆宗臣良乾坤端倪豁呈露山海品物
徵蕃昌寧內九州歸禹貢大食波斯降表送耿耿星懸
太乙旗瀼瀼露滴高辛甞將軍圖畫百戰勳朝士歡呼
萬年頌黃天掃跡淨妖氛赤地開屯布嘉種江左空餘
狐鼠魂渭濱已兆熊羆夢始信雲龍風虎年天生我材
必有用

閒情

紅欄曲折鬪迴文舊夢巫山有斷雲未免愁顏防鏡覺
儘多密誓記釵分漏殘猶恨金雞唱香爐空憐寶鴨薰
如此風懷頻中酒醉痕翻落石榴裙

二

苧蘿村裏阿儂家長日孤飛燕子斜陌上春風歸越柳
洞中流水憶胡麻闌珊舞影偏垂手淒楚歌聲漫按牙
想是崑源程萬里碧雲何處阻仙槎

三

昏燈薄帳夜迢迢夢到江南第幾橋一桁珠簾延墮月

半帆畫舸送迴潮難將舊句題紅葉偏易愁心捲綠蕉
惆悵秦臺騎鳳去幾曾團語聽吹簫

四

陌上花開緩緩車可憐消息斷靡蕪離天有恨擣黃絹
墮地無聲悵綠珠釵角已鬆長倚枕琴心未許伴當壚
癡情欲向通明奏西府春陰乞到無

悲歌

肥馬不如瘠牛健鶴不如禿鷺貲勞不如賤息遠宦不
如薄遊已焉哉青天一尺黃土一邱生不足戀死不足
憂盍乘風乎聽其所止而休

示舍弟

寒雨瀟瀟對短檠高樓永夜讀書聲一門與爾兼師友
四海何人更弟兄誰信牛車傳異事幾聞馬磨託營生
德星堂外花無恙願祝春風護紫荆

明月篇

妾心如明月皎皎空中輪郎心如流水渺渺南浦春

解
明月在天流水在地郎心妾心誓不相棄二解以妾

心贈郎芙蓉流水棲鴛鴦以郎心照妾明月花枝夢蝴蝶三解寒蛩唧唧郎歸自北春風畫帆郎別而南南水

溫分北水涼南北之月同景光四解相思迢迢隔千里

不厭糟糠厭羅綺貽郎明月珠何以報我雙鯉魚五解
魚在水兮可以泳游郎之心兮泛泛而悠悠願郎之心
亦如月永永團圓不復缺六解

八月十六夕紀夢

晴波十里競龍船夾岸紅樓沸管絃忽忽回來成一夢
宣宗皇帝太平年

六一山房詩集卷六

六一山房詩集卷七

乙丑至丁卯

鄭 董 沛 覺軒

乙丑

九月十二日爲亡室秦安人忌追哭以詩

天地委化飈輪自旋嗟我此生乃遘逆遭與汝同命胡爲棄捐忽忽三載思之涕漣

二

昔汝死時我在苦土創巨痛深不暇哀汝春秋露霜宵日風雨蓼莪無詩而况蒙楚

三

憶汝始來妝臺詠詩涼月四壁寒花一枝掩鏡不語歎
然有思自言薄命終當別離

四

箕帚一生十年八產重以天殤母子緣淺生也血枯死
也腸斷帶下不靈曷問修短

五

地道無成坤以順貞自汝歸我琴調瑟鳴顏不我忤何
況詬爭柰何汝死孤影寫燈

六

汝死兩月繼以椿兒念我獨兮生亦無爲入門昏昏哀

將告誰汝在九原應知我悲

七

涼夜對月畫圖寫生觀汝舊題悄然凝情

安人年十七
其舅陳君爲圖安人自集唐詩題二絕句於上詩曰萬籟此

俱寂披衣覽露滋可憐閨裏月倚立自移時香霧雲鬟重凝情悄悄然高樓當此夕散步詠涼天大好眞面而無汝聲索汝言笑惟

我夢靈

八

悽淒惻惻怨語在笛惻惻悽淒漂魂入帷遼鶴不返衾

枕獨旦從此女牛隔絕河漢

自橫溪至牆下潭

萬竹陰森森淒然覺秋老晨露沾衿衣征夫出門早錯
壞鄰縣中村落尙完好危磴依松林平疇蘋稻頗聞
兵燹餘比戶蓋藏少蕭寺踞山巔碑碣臥荒草過嶺行
益遲廿里剝川道白日望西轉雲影淡木杪野店聊憩
裝何能避喧擾願假一榻安欹枕夢瀛島

象山

海外孤雲送客帆一峯彭姥臺州南萬家成聚民無恙
三面通潮土亦甘亂石砌成龜背路急流匯作蟹臍潭
我來西瀛爲遷客時有高朋對膝談

醉釀聯句同郭恬士明經傳璞歐仲眞員外景岱

王紉香員外

蔚蘭

硯農舍人

蔚蕙

昆季

華讌

諺良辰

蕙膳

經品饑客

簋陳芹筍菹

傳璞鼎

榦豕麋

腊孰

云味不甘

蔚蘭所嗜

性有癖維錯

登海邦

景岱

厥鮮貳

艱食宗生乘夏潮

沛

族處準秋汝駢足

十二齊

時薰

尖尾

一雙戢目疑蝦借珠

璞腹陋

鰷噴舉螯沙釜負圓

蔚蘭駕

浪帆破逆鯤壑遼能飛

景岱

蠻山窈難匿獲雄常逸雌

沛

去耦或畱隻罟

師篝火

蔚

庖丁鼓刀砉殼厚濡血藍

璞肪凝截脂白肉好區瘠肥

蔚蘭

弦割寸尺繆鹽漬瑣

景岱

酒煉玉液寶甕豐項平

沛

鍛泥弇口塞久之發

璞其藏

時蕙

儼然登諸席

餘腥滌霏霏

傳璞

纖膏膩醡醡醬

蚝

其藏

時蕙

儼然登諸席

餘腥滌霏霏

傳璞

纖膏膩醡醡醬

蚝

差異馨

詩蘭

糟蠣醅侔色裏鮓參學書

景岱

噴鯖漫論直因

思託風波

沛

相與狎昕夕儻蹤南嶺南

詩蕙

結隊北溟北

如岸惠文冠

傳璞

如趁賈胡舶如累牒浮沈

詩蘭

如張扇闔

闢活潑天遊寬

景岱

晶漾地搜僻詎料水澤珍

沛

遂貢橐

飲職通鯆舉異文

詩蕙徵

鬼判蕃殖榜甲拒蚊嗜

傳璞

然髓

罷鼠嚇訶陵櫟刲奇

詩蘭

闔部杓代飾爰以蒐軒

景且

其巧餘憚媚笑吾未工

沛潤

公等潤

金魚聯句同郭明經王舍人

爲考加恩簿

傳璞

新添異種魚景文符宛爾

沛

瓦史紀紛

如計寸量鍼小

詩蕙

含光閃鏡虛碎鱗千點簇

傳璞

歧尾五

紋舒眼頰澄波澈

沛

懸迎細沫啞白疑呼充驥

時

赤訝

出渠豬錦織流黃乍

璞

鑿翻蘋黑初價須金錯換

沛

待玉壺窟養法陶公采

蔚

生機漆叟攄晶缸遊灤灤

璞

斗盍逐衡衡痕澑風牽藻

沛

香沈石覆蘭幾層籠軟障

蔚半摺間疏籩客戲花爲餌

璞

僮拋餅作精聚羣儀熠

葩

沛

麗陣勢鉏鋸佩欲辭紺袋

蔚

招宜製綵旗充腸資

蛚蠍

璞

饑嘴遠颺鷺瑩奪冰梭擲

沛

祥占露鏤儲燦星

涵窄水

蔚

灼日匿寒淤正色離宮配

璞

芳蕤兌澤瀦鯉

緘偕素剖

沛

鮑表擬形除蠶火標新樣

蔚

蹄涔借廣居

側捎驚撻末

璞

倒映蟬巴且育子苔衣積

沛

橫庚荇罽

紓江湖情莫羨

薛

泰隘氣相驟簷瀑流乘逆

傅

簾陰照

趁餘纖形銅吮懶

沛

俗態石斑祓倚檻畱觀者

薛

羈益

想樂胥嘉名繙粵志

傅

璞蕃類判閩書贊沈箋分齋

沛

吟

蘇硯滴蜍參差排卦畫

薛

笑謝漢臯漁

傅

歸途遇雪

北風捲地雲氣黑千山鳥飛杳無迹興夫忍凍肩我行
亂踏瓊瑤雙腳赤梅花萬樹孤鶴盤玉樓起粟銀海寬
呼僮買酒解寒氣撲鼻但覺缸面酸橫溪渡頭下船楫
支港凝冰暗將合三更疾走官河中靜掩篷窗炷殘蠟

題游杭合集

道光丁酉柳泉舍人及
徐遠香文學元第所作

錢唐名勝地我亦賦詩來潮氣蒸衣袂山光落酒杯傷
心頻戰伐滿目總蒿萊欲問前遊樂憑君一卷開

二

昔年江上客元白本齊聲落落空儕輩悠悠隔死生亂
離餘舊稿鄭重見交情遠香文學已逝世
舍人爲重刻之留得詩篇在

湖山一代名

丙寅

題萬迺鄰寒松齋校經圖

吾鄉經學推萬氏充宗季野兩峯峙春秋三禮號專家
家有藏書授孫子當年講經寒松齋一月一集高朋來

到今遺澤五世斬南雷嫡冢安在哉惟君有志振殘局
壓架陳編供我讀丹黃滿架精校讎永夜高樓坐闌燭
四圍修竹陰森森松風滌我塵囂心心與古人有真契
太羹辛酒無絃琴衣冠舊家不易守一囊浮雲幻蒼狗
猶賴詩書薪火傳冷淡生涯歷年久是誰寫作圖畫身
讀破萬卷疑有神前朝衛官已停襲何嫌爲庶爲清門

秋興

二斛醇醪一斛愁病懷枯寂易知秋蕭蕭風雨無邊葉
隱隱江山最上樓豈有賈生惟賦鵠不妨莊叟亦呼牛
漁樵生計知無分且約鄰翁話舊遊

二

廿載蹉跎事已非
名場應悔少年時
笙歌北里都成夢
諧笑東方每苦飢
對鏡自憐半鬢改
撫琴猶有素心知
繁音雜籟殊盈耳
會與成連海上期

三

西訪劉樊採藥蹤
白雲深處鹿亭空
仙山縹渺蓬瀛外
世路艱難蜀道中
幾使老兵呼阮籍
翻將死友笑臧洪
悠悠譽毀非吾計
荆棘康莊到處同

四

乘興登高一散涼
四圍煙樹入蒼茫
渡頭飲馬剛秋漲

城角啼鳥已夕陽了了恩仇看短劍飄飄身世寄空囊
尋常酒債須行樂何處無功舊醉鄉

讀史有感

神仙不好名况在號與謚有唐祖老聃尊爲辛辛帝澹
乎至人心不作子孫計慷慨張睢陽起兵哭其位殺賊
十二萬孤城無援兵何如八公山草木皆人形又聞楚
王神來救臨汝侯老子胡不能只解騎青牛或者西入
關靈武分主憂吾嘗掩卷思此案疑千秋

壽陳漁珊司馬丈

僅

八十

鄉國推前輩巍然一老遺清閒娛杖履龐古繪鬚眉循

吏關中傳高名鄴下詩香山重展社我幸作題辭

秋燈課子圖爲倪耐菴司馬

繼美題

倪君念母繪此圖索我題詩六載餘此圖彷彿拜君母亦旣覲止重感呼秋高夜迥明月孤涼颯颯拉摧蓬廬廬中隱隱一星火母也教兒兒讀書讀書自足耀門戶世業成名孫繼祖可憐樹靜風不甯此境難忘以圖補吾生小小歎無怙二十四年母勞苦日月逝矣祥琴終題君此圖淚如雨

猿

月落夜沈沈長吟復短吟空山高士伴古寺老僧心劍

術知誰閑詩魂未許尋郤憐征戍苦殘響进寒砧

過亡兒道椿墓

一死三年矣依然魂夢悲詩書憐汝慧消息覺吾衰舊

句封殘篋

兒八歲賦風雷雲日四詩有句云亂搖修竹影怒吼老松聲輪鳴龍盡起幕震燕皆翻晴

空披絮帽

秋水浣羅衣一輪離海角萬國仰天心

秋蒿沒短碑可能華普洞大

母日相隨

兒死時自言前身爲華普洞侍者洞主卽吾母邛太安人

送葉清士廣文

廉鋗

歸平湖

全家離亂後旅食浙河東經史無完稿江山此寓公幾年交有道一別思何窮惆悵臨歧語歸舟正朔風

除夕立春枕上作

黍谷回陽斗指東
一年初屆一年終
春風消息誰先領
殘臘梅花短夢中

丁卯

寒食遊玉女峯用曝書亭集社日登黑雀巖聯句

韻同劉文學

重霧忽開霽百級蒼苔梯

沛

名山踐宿約選勝快一躋

鳳章嘉時趁槐火芳郵區麥畦

沛

風擷野花秀雲羃長松

姜章呼嘯狎賓主扶掖資僮奚

沛

徑紆羊轉腸沙滑牛

陷蹄章蹇裳避叢棘襯輦思輕羨

沛

款門憩倦鳥遊檻

供雛雞章饑嚼筍爲羈渴飲醪如齎

沛

麤廚愧貧阮妙

筆圖迂倪

鳳章

竹成市粲粲桃滿蹊

沛

賈勇上絕頂

瞭遠疑天臍

鳳章

恬海碧浮鏡懸峯青削圭

沛

倚杖拄危

石曳屨黏春泥

鳳章

卻共村嫗話覩面皆辛黧

沛

爲言積

雨多亂草無梳篋

鳳章

客興旣已闌歸路儻不迷

沛

暝色

古窓澹晚炊鄰屋齊

鳳章

回頭望羣巘健腳爭修隄

沛

敢

擬蘇劉歡詩彷南墮題

鳳章

和陳鯨仙明經丈

福熙

八十自壽詩

賓宅年來近市橋先生杖履且逍遙故鄉煙水通三島
盛世耆英歷

五朝座客徧徵眉壽頌箇書待付手民雕自繙除夕懷

人句同輩知音已寂寥

明經集中有除夕懷人詩三十餘首

二

海上烽煙萬籟屯
茫茫舊事莫重論
湖山自適閒中趣
戎馬猶驚劫後魂
同谷詩篇餘破屋
太邱家世總清門
試看科第承先德
不負遺書教子孫

獨立

獨立蒼茫下誰憐作客勞
迎潮魚力健啼月雁聲高
濟世無長策危途仗寶刀
村墟經亂後寒氣汨蓬蒿

江上聞笛

銀河隱隱碧雲浮
帆影當風夜不收
忽聽鄰家吹短笛

那堪寒月照孤舟
梅花夢斷江城遠
蘆荻聲多水國秋
涼衿疏蓬閒倚處
靜參消息爲勾留

和作

董濂震軒

西風蕭瑟客心愁
吹老蘆花盡白頭
赤壁酒酣逢李委
綠林夜靜阻閬邛
濤翻千里鶴窺檻
月落一聲人倚樓
倒峽洪流東去也
漫誇鐵板唱黃州

題友人感舊圖

流水淙淙舊板橋
頭番風信試蘭苕
好憑詞賦邀青眼
恰聽箏琶唱綠腰妝
閣啼痕淒夜雨
畫船別夢寄春潮
傷心二十年前事
怕向秦淮折柳條

二

揚州風景畫圖中十里名花點綴工絕樣新妝翻繡譜
定情佳什付詩箏聽蕪城郭南朝感莎蘚江津北固通
不信紅羊殘劫後曲臺深閉草叢叢

三

梅花千樹擁靈巖踏雪尋春興不凡密約通犀情款款
深宵伴燕語喃喃曲屏細鏤琪花樣輕軛飛傳錦字函
十日勾留遊未徧姑蘇城外送歸帆

四

憔悴青袍踏省門銷金湖上雪泥痕露華涼浸秋衫薄

煙篆香融宿酒溫碧漢微雲遊子意紅橋疎柳美人魂
如何幾度杭州客偏弔西冷小小墳

叶

五

縛袴從戎到岳陽湖波一帶繫舟航上官符印通仙窟
小隊旌旗簇舞場晝角啼鳥驚夢杳纏頭壓馬賭歌忙
笙簫鼙鼓聲相錯回首江雲墮渺茫

六

蒼蒼山色畫峨嵋匹馬西征已悔遲遂使玉簫畱恨果
空憐瓊樹長柔枝臨邛冷落相如酒夔府淒涼杜老詩
夜靜啼猿聲宛轉峽中寒月不勝悲

七

于家燈火照秦樓
漚上年來記薄遊
碧月開窗初攏髻
紅潮添酒倦迴眸
星盟欲卜三生誓
風語難消一段愁
行色匆匆黃浦別
卻將萍約付東流

八

津門垂柳綠如鬢
煙雨蒼茫倦鳥還
北里鶯花都幻夢
下方雞犬亦仙班
偶然露水歡因聚
休把風騷艱體刪
我亦故鄉無好伴
劉樊何處石窗山

題徐舍人煙嶼樓詩集

讀書貴養氣氣靜言乃宜辭取達意止古訓真吾師陋

學競門戶一一摹仿之區畫唐宋界貌合神則離壇坫
仄不作風雅已中衰不圖並世生乃得徐君詩混卑剖
眞宰斧鑿安所施掉臂空中行天馬不受羈君才冠流
輩卓犖名世姿談經溯賈鄭論史刊顏裴文擷漢語雋
書補秦火遺餘事作詩人亦復空倚毗祥霄下鸞鳳巨
壑蟠蛟螭公然樹一幟壁壘皆新奇譬彼松栢性老幹
無柔枝擣攘與塗澤靡靡安足爲視此百鍊光能脫兵
燹危名山有眞鑒莫謂知音稀我亦耽苦吟頗能涉藩
籬作詩題卷端爲君千載期

湖上漫題

龍飛鳳舞勢雄奇襟帶江湖舊霸基二百年畱天水祀
十三州奉越王祠潮迴大壑孤秦石雷劈陰崖避宋碑
尙有青山埋骨處神光夜夜閃旌旗

自君之出矣

自君之出矣日日望刀環思君如明鏡常照儂病顏

鄧山橋

楓老官河冷郊原客放舟晴波橫浦晚落日故城秋宋
武移新成秦皇紀舊游至今橋下水往事付東流

由東吳過白雲山至育王嶺

朝旭東海升籃輿出林篠九曲緣溪河干盤繞磴道遊

雲過頂飛高處挾孤鳥巖壑阻遠眸漸漸入荒窅病鶴
棲寒松閒牛臥荒草雪後風尙嚴天已逼冬杪小憩山
農家落葉滿庭掃

二

興行四五里有山名白雲山中趙氏墓沿誤稱王墳趙公希言墓在山中直清與乳泉亭有奎墨尊二亭皆宋士人皆稱趙王墳理宗書到今七百載頽廢無一存石闕峙路旁剝落蒼苔痕回頭一歎息富貴如蟬塵

三

是何佛跡奇巍然聳靈塔萬木陰沈沈嵐氣與之合山

僧喜我來招我坐禪榻煮茗汲溪泉談笑亦歡洽碑石
森如林無暇細摹搨可憐東晉松迺復墮塵劫欲上極
目亭攬衣作高躅靄靄村廬中炊煙淡相接古寺起梵
音樵唱互酬答斜日送我歸浮河理船楫

四十自述

平生豪氣半消磨四十匆匆歲月過大劫江山畱楮墨
殘燈風雨感蒿蕪詩書蚤成功名淡親故中年涕淚多
自撫行囊雙劍在茂先欣賞定如何

二

目下無塵膝下空孤高應悔舊途窮每因肥狗思荆軻

何必真龍駭葉公庭院寒花猶待雪煙波小艇易驚風
好畱畫壁旗亭句都在明年客路中

六一山房詩集卷七